

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Principvm Christianorvm Stemmata

Albizzi, Antonio

Argentorati, 1627

[urn:nbn:de:bsz:31-127027](https://nbn-resolving.org/urn:nbn:de:bsz:31-127027)

IN MARCHIONES BADENSES NOTATIONES.



HERMANNUM dicunt, Comitem Veronensem, cum Friderico I. Imperatore ex Italia in Germaniam reversum, ab eo Imperii Marchionem factum, Imutham Comitissae Badensis filiam duxisse, ex quibus Marchiones Badenses descendunt; Imutha autem haec fundavit Praeposituram Backenae prope Muram, & pro octo Canonicis alendis dotavit, ubi sepulta jacet: Et si non desint etiam, qui dicant, Marchiones hos ex Italia cum Friderico quidem venisse, at Comitatum Hochbergicum, ipsum Fridericum eis dedisse, quem prius Zeringus ademerat: Filia Hermanni dicitur Methilde Beretoldi Comitis Hennebergii uxor.

HERMANNUS cognomento parvus, Marchio Veronensis & Hochbergicus dictus, sepultus est cum uxore in sacello beatae Virginis apud Backenam; Henricus vero eius filius Marchio Hochbergicus, qui in ditione Curiensi occisus fertur, in coenobio Almerswilae est inhumatus.

HERMANNUS V. Marchio Badensis, Friderico bellicoso Duce Austriae ab Hungaris in acie caeso, Austriae ac Suae Ducatum propter uxorem sibi vindicabat; quae tamen Provinciae ab Othocaro Rege Bohemiae, armis occupatae sunt: huius autem filius Fridericus Dux Austriae dictus, cum Conradino Duce Sueviae ultimo, Neapolim profectus, cum ipso ibi, a Carolo Andegavensi, qui Regnum Neapolitanum iussu Pontificis occupaverat, capite est plexus, annum agens viginti octo.

RUDOLPHUS III. Marchio Badensis, dicitur Collegium Benedictinorum apud Backenam instituisse: filiam habuit Methildem uxorem Henrici Comitis Hennebergici; Hermannus autem eius filius, Irmengardem Eberhardi illustris, Comitis Wirtembergii conjugem: sepulti sunt fere omnes hi Marchiones in coenobio Liechthal.

RUDOLPHUS a corporis proceritate magnus dictus, quae duodecim pedum extitisse dicitur, ab uxore Comitatum Sponheimensem consecutus est; cuius filius Bernhardus, a Friburgensibus in castro Mülberg per tres hebdomadas obsessus est, & per Episcopum Herbipolensem, a Sigismundo Imperatore, tanquam pacis arbitrum, missum, reconciliati sunt anno 1424. Badae autem sepultus est. Rudolphi filiae, Margaretha, Schafhardi Comitis Leiningii, & Methilde, Henrici Comitis Hennenbergii confortes: Bernardi vero, Beatrix, Emiconi Comiti Leiningio, Margaritha, Adolpho Comiti Nassovio, Agnes, Gerharo II. Duci Slesuicensi nuptae, Ursula primo, Godofredo Comiti Zigenheimii, secundo Ulrico duci Teccensi collocata, & Anna, Ludovici Baronis Liechtenbergici postremi uxor.

Ex stirpe autem Marchionum Hochbergenium, Rudolphus filius Othonis, Iohanne Comite Friburgensi ultimo, cuius sororem ipse in matrimonio habebat, absque mascula prole extincto, Imperii beneficio consecutus est Comitatum Roetelensem, & Neo-

comensem, cum Badenweilera ditione; Wilhelmus vero eius frater, ab uxore partem Domini Brigantini adeptus, eam Sigismundo Austriaco vendidit circa annum 1450. Huius stirpis postremus, Philippus fuit, qui filiam tantum unam nomine Iohannam reliquit, Ludovico Duci Longavillae in Gallia nuptam; ea Comitatum Neocomensem cum aliis Dominiis in Burgundia, dotis nomine ad virum derulit, reliquas vero ditiones, Marchionatum Hochbergicum, Comitatum Roetelanicum & Susemburgicum **C**HRISTOPHORUS Marchio Badensis, tanquam agnatus, consecutus est.

Ex Susemburgicis autem, qui a **B**URCHARDO secundo erant, (cui in divisione territorii paterni cum Friderico Marchione Hochbergico fratre, pars in nigra sylva prope Rotweilam obtigerat,) Albertus eius filius, Henrico postremo superioris Alsatiae Landgravio defuncto, de successione cum Ludovico Comite Oetingensi, & Alberto Habsburgico diu contendit, quousque filio Alberti Rudolpho (qui dein Imperator est factus) in generum adscito, jus suum, quod in Alsatia habuit, ei concessit, Oetingensis autem, suum vendidit Episcopo Argentoratensi; Albertus autem praedicti Alberti F. in divisione cum agnatis Comitatum Haigerloch obtinuit, qui ab Othone Duce Bavariae, suppetias laturo Adolpho Caesari adversus Albertum Austriacum, per terras suas transiente, occisus est; huius filius Albertus Episcopus Constantiensis, qui Ludovici, Bavari Imperatoris Cancellarium egit, horum penultimus Rudolphus, vendidit ann. 1381. Leopoldo Duci Austriae, parte Comitatus Hochbergenensis & Susemburgici: cui, ex filio Sigismundo, neptis fuit, Margaretha, Georgii semper liberi Pincernae Limburgii uxor.

IACOBUS vero Marchio Badensis, filius Bernardi, ab Aenea Sylvio scriptis suis celebratus, filium habuit Iohannem Archiepiscopum Trevirensis, qui multae fuit auctoritatis in Germania, & Treviri in summo Templo ad S. Nicolaum sepultus est; atque Bernardum vitae sanctimonia clarum, qui obiit ante nuptias cum filia Caroli VII. Regis Franciae celebrandas: filia autem Iacobi fuit, Margaretha, uxor Alberti Achillis Electoris Brandeburgici.

CAROLUS Iacobi F. una cum fratre Episcopo Metensi, in proelio non longe ab Heidelbergae commisso, captus est a Friderico vice Electore Palatino, soluto autem pretio certis conditionibus dimissi sunt, anno 1462. sepultus est Badae: filias habuit Catharinam uxorem Georgii Comitis Werdembergici, Limburgae Engelberto Comiti Nassovio & Domino Bredae nuptam, & Margaretham Abbatissam Liechthalae.

CHRISTOPHORUS Caroli F. unicus suae gentis factus, Marchio Badensis & Hochbergenensis, Comes Sponheimensis, & Susemburgicus, post Philippi agnati obitum Ducatum Lucelburgensem, Imperatoris Maximiliani nomine, aliquandiu rexisse legitur. Hic Dominium paternum Larense & Rothomagensis ditionibus auxit: & primus relicta veteri arce, Badenam migravit, Eques fuit aurei Velleris ac miles celeberrimus: filiae eius fuere, Beatrix, Iohannis Comitis Palatini

conjugum, mater Friderici Electoris, Rosina, Francisco Wolfgango Comiti ab Hohenzollern, & Sybilla, Philippo Hanoviae Comiti nupta, praeter Maria in Liechthal, & Otiliam ad Portam herciniam Abbatissas.

IACOBUS filius Christophori, primum Coadjutor, post successor Iohannis patris magni in Archiepiscopatu Trevirensi, vir ingenio & eloquentia praeditus, Maximiliano Caesari gratus, in florida adhuc aetate obiit, corpus Confluentiam delatum, in aede S. Florini conditum est.

PHILIPPUS eius frater, Marchio Badensis, qui diu in Gallia fuit, filiam habuit unicam Mariam Iacobem, Wilhelmo Duci Bavariae nuptam ann. 1522. quae usque ad annum 1580. vixit.

BERNHARDUS paternas cum Ernesto fratre partitus ditiones, Badensem obtinuit: cuius filius Philibertus occisus est in Gallia in cruento praecelio ad Montcontour, Christophorus autem alter filius adhuc viginti aetate extinctus est.

PHILIPPUS Philiberti F. in Bavaria apud avunculum Albertum & consobrinos educatus, qui Religionem Badae mutarunt, sponsam expectans Sybillam filiam Wilhelmi Ducis Clivensis, subita ac immatura morte creptus est.

EDUARDUS FORTUNATUS Christophori F. Philippo successit, (cuius fratres etiam in aula Bavarica a pueris sunt enutriti) qui cum aere alieno contracto de alienanda ditione cogitaret, ac alia graviora moliretur, ab Ernesto Friderico filio Caroli consanguineo suo expulsus, & Dominio exutus est. Hic ex Maria ab Licken suscepit filios, Wilhelmum, Hermannum, & Albertum, qui sclopetum improvide tractans vulneratus brevi post obiit, sepultus Badena A. C. 1626. quem Marchionatus Badensem haud pridem denuo potiti sunt. Obiit autem Eduardus Fortunatus Castelloni A. Chr. 1600. 8. Iunii inter 12. et 1. noctu... ram ex lapsu miserrimo. Filius eius Wilhelmus in uxorem duxit Catharinam Ursulam Comitissam ab Hohenzollern, cum qua genuit Ferdinandum Maximilianum, & Leopoldum Wilhelmum.

ERNESTUS vero Christophori filius, ac Bernhardi frater, cui in divisione cum fratre Marchionatus Hochbergensis, atque Pfortzheimium cum Dominiis Susemburgico, Badenweilero & Roetelano contigerat, ex prima uxore habuit Albertum filium, & Elisabetham, quae Gabrieli Salamanco Hispano, Ferdinandus Austriaci (postea Imperatoris) intimo Confi-

liario, ac Comiti Ortembergico in Carinthia creato nupta, mater fuit, Ferdinandi, Bernhardi, & reliquorum fratrum Comitum Ortembergii in Carinthia, qui de Hericurti Dominio litem moverunt Christophoro Duci Wirtembergico anno 1561. Ex secunda vero uxore Bernhardum habuit & Carolum, ac Margaritiam, Wolfgangi Comitis Oetingensis, & Annam, Caroli Comitis in Hohenzollern conjugem.

CAROLUS, Princeps laude dignus, novam arcem Durlachi extruxit, quod sedem ex Pfortzheimio transtulit; Reliquas suae ditionis arcem restauravit atque munivit; ex secunda uxore genuit tres filios, quorum duo sine mascula prole extincti sunt, tertius autem GEORGIUS FRIDERICUS, adhuc in vivis est. Filias habuit Carolus, praeter eam quae in stemmate, Mariam, & Elisabetham. Caeterum Georgius Fridericum, Princeps pius & prudens, in uxorem 1. duxit Iulianam Ursulam Friderici Rheingravii filiam, qua mater fuit multorum liberorum, scilicet, Catharina Ursula, qua nupsit Ottomoni, Mauriti Landgravi Hassiae filio, ambo nunc defuncti: Friderici: Philippi, qui A. C. 1597. infans obiit: Anna Amelia, uxoris Wilhelmi Ludovici Comitis Nassoviensis Sarapontani, qua obiit Anno 1626. Caroli, qui A. C. 1625. in expeditione Saphoica mortuus est: Augusta: & Rudolphi, denatorum: Christophori, qui adhuc in vivis: ut & Sybilla Magdalena, nec non reliquarum filiarum, quae omnes vitae fruuntur aera. Mortua hac priore conjugem sibi copulavit A. C. 1614. Agatham Georgii Comitis Erpachii filiam, ex qua ipsi natae sunt filiae tres, quarum una obiit, caeterae adhuc vivunt. Cum autem & hac A. C. 1621. 30. Aprilis vitam cum morte permutasset in matrimonium suscepit N. N. fasces tradidit Friderico filio suo: & insignem boni publici causa instruxit & eduxit exercitum: sed a Bavarico & Hispanico milite prope Wimpffen A. C. 1622. superatus in fugam se dedit, & cum minus tutus in Germania ob Casaream proscriptionem esset, Genevam se recepit & aliquandiu in Saphoia latuit.

FRIDERICUS filius ipsius, Princeps pacificus, qui iam rerum in superiori & inferiori Marchionatu positus, sibi in thori conjugalis sociam elegit Barbaram, Friderici Ducis Wirtembergici filiam, qua aliquot ipsi peperit liberos, inter quos, praeter filias, filius primogenitus est Fridericus: alter fuit Magnus Alexander, qui infans obiit.

1529



IN